


逸
民
傳





逸 民 傳

劉皇甫淳補撰遺

中華民國二十五年六月初版

逸 民 傳

撰 者 皇 甫 淳
補 遺 者 劉 凤

發 行 人

王 上 海 河 南 路
雲

印 刷 所

商 上 海 河 南 路
務 印 書 館

發 行 所

商 上 海 及 各 埠
務 印 書 館

編主五雲王

編初成集書報

逸民傳目錄

卷之一

晉

孫登

夏統

朱沖

瞿硎先生

董京

陶淡

董菴

董景道

郭文

石坦

翟湯

譙秀

索襲

郭翻

邴郁

玄晏先生

戴逵

龔玄之

孟陋

虞喜

汜毓

劉麟之

魯褒

許邁

公孫永

范宣

劉兆

徐苗

孫晷

伍朝

韓績

龔壯

范喬

張忠

宋

漁父

翟法賜

郢野老

宗炳

關康之

孔淳之

朱百年

劉凝之

樓惠明

沈道虔

辛普明

郭希林

龔祈

卷之二

齊

宗測

蔡謫仙

徐伯珍

趙僧巖

孔祐

沈麟士

杜京產

臧榮緒

褚伯玉

庾易

明僧紹

梁

阮孝緒

鄧郁

范元琰

沈覬

庾詵

何點

劉訏

庾承先

諸葛瓊

魏

鄭脩

眭弁

李謐

隋

徐則

張文詡

唐

朱桃稚

仲長子先

李元愷

終南山隱者

孫思邈

秦系

衛大涇

司馬承禎

崔覲

盧鴻

田遊巖

王希夷

陸羽

五代

騎牛者

張荐明

宋

松江漁翁

杜生

南安翁

蘇雲卿

順昌山人

郭橐氏

箕叟

魏野

李瀆

戚同文

章登

楊璞

林逋

逸民傳目錄終

逸民傳卷之一

少玄山人皇甫涍撰

羅陽山人劉鳳補遺

金陵荆山書林梓行

晉

孫登

孫登字公和汲郡共人也無家屬居郡北山土窟中夏則編草爲裳冬則披髮自覆好讀易撫一絃琴性無恚怒人或投諸水中及出大哭時

往來人間或設衣食卽弗受辭玄嘗有人見之宣陽山不似常人因與語不應文帝聞而異之使阮籍見之與語亦不應籍曰故是向人耳尋求之不知所在後乃知其姓名稽康從之游三年間所圖終不答康每欲息將別曰先生竟無言乎登乃曰子識火乎火生而有光而不用其光果在子用光人生而有才而不用其才果在于用才故用光在乎得薪所以保其耀用才在乎識真所以全其天以子之才性然而識寡其

能免乎後康遭非命作幽憤詩曰昔慚柳下今愧孫登後不知所終

夏統

夏統字仲御會稽永興人幼孤貧養親以孝聞事兄弟每采相求食皇行夜歸或至海濱拘繫蟻以資養雅善論談宗族勸之仕曰卿清亮質直可作郡綱紀與府朝接自當顯至柰何甘辛苦于山林畢性命于海濱也統勃然作色曰諸君待我至此乎使統屬太平之時當與元愷評

議出處遇濁代念與屈生同汙共泥若汙隆之間自當耕耦沮溺豈有辱身曲意于郡邑之間乎聞君之談不覺寒毛盡戴白汙四市顏如渥丹心熱如炭舌縮口張兩耳辟塞也言者大慚統自此不與宗族相見也後其母病篤乃詣洛市藥大尉顧賈先見之恠而問之統初不應徐荅曰會稽夏仲御也問其土地風俗統曰其人循循猶有大禹之遺風太伯之義讓嚴遵之抗志黃公之高節因爲水戲乃操施正櫓折旋中

流初作鯔鷀躍後作鮪鯈引飛鷂首撮獸尾奮
長稍而船直逝者三風波振駭雲霧杳冥儀而
白魚跳入船者八九觀者悚懼充心尤異之乃
更就船與語其應如響欲使之仕卽俯首而不
答統又爲歌土曲大禹慕歌曹嫁河女之章伍
員小海唱以足叩船引聲唉嚶清激慷慨大風
應至舍水漱天雲雨響集叱咤譴呼雷電晝冥
集氣長嘯沙塵烟起王公以下皆恐止之乃已
克耀以文武鹵薄覲其來觀幢幡鼓樂妓女錦

綉花翠照耀耳目繞船三匝統危坐如故若無所聞充欲曰此吳兒是木人心也統歸不知所終

朱沖

朱沖字巨容南安人少有至行閒靜寡欲好學而貧常以畊藝爲事鄰人先犢誤以冲犢歸後得犢大漸以犢還冲冲竟不受有牛犯其禾稼冲屢持芻飼牛無恨色主愧之乃不復爲暴咸寧四年詔補博士尋又詔爲右庶子皆稱疾不

庭沖每聞徵書至卽逃入深山時人以爲梁帝之流沖居近夷俗羌戎奉之若君沖以禮讓爲訓邑里化之路不拾遺村無凶人毒虫猛獸皆不爲害以壽於

瞿硎先生

瞿硎先生者不知姓名亦不知何許人也太和末常居宣城郡界文脊山中山有瞿硎因以爲名桓溫嘗造之先生被鹿裘坐于石室神無忤色溫及僚佐數十人皆莫測之乃命伏滔爲之

銘贊竟卒于山中

董京

董京字威輦不知何郡人在洛陽隱居白社時被髮行吟于市乞殘絮敗縉結以自覆號百結衣或與好帛輒不受或排辱不與亦無怒色時孫楚數就社中載與俱歸又貽書勸其仕進京答之以詩曰周道敷兮頌聲沒夏政衰子五常汨便便君子願望而逝洋洋乎滿目而作者七豈不樂天地之化也哀哉乎時之不可與對之